

四庫全書

史部

欽定四庫全書

史部

明史卷二百四十五

給事中^臣劉湄覆勘

總校官編修^臣朱鈐

欽定四庫全書

丁卯史卷五十四

大學士張廷玉等奉 敕修

列傳第一百 且廿一

楊 連

左光斗

弟光先

魏大中

周朝瑞

袁化中

顧大章

弟大韶

王之象

楊漣字文孺應山人為人磊落負奇節萬曆三十五年成進士除常熟知縣舉廣東第一擢戶科給事中轉兵科右給事中四十八年神宗疾不食且半月皇太子未得見漣偕諸給事御史走謁大學士方從哲御史左光斗趣從哲問安從哲曰帝諱疾即問左右不敢傳漣曰昔文潞公問宋仁宗疾內侍不肯言潞公曰天子起居汝曹不令宰相知將毋有他志速下中書行法公誠日三問不必見亦不必上知第令宮中知廷臣在事自濟

公更當宿閣中曰無故事漣曰潞公不訶史志聽此何時尚問故事邪越二日從哲始率廷臣入問及帝疾亟太子尚躊躇宮門外漣光斗遣人語東宮伴讀王安帝疾甚不召太子非帝意當力請入侍嘗藥視膳薄暮始還太子深納之無何神宗崩八月丙午朔光宗嗣位越四日不豫都人喧言鄭貴妃進美姬八人又使中官崔文昇投以利濟帝一晝夜三四十起而是時貴妃據乾清宮與帝所寵李選侍相結貴妃為選侍請皇后封選

侍亦請封貴妃為皇太后帝外家王郭二戚畹徧謁朝士泣愬宮禁危狀謂帝疾必不起文昇藥故也非誤也鄭李交甚固色藏禍心廷臣聞其語憂甚而帝果趣禮部封貴妃為皇太后熈光斗乃唱言於朝共詰責鄭養性令貴妃移宮貴妃即移慈寧熈遂劾崔文昇用藥無狀請推問之且曰外庭流言謂陛下與居無節侍御盡惑必文昇藉口以掩其用藥之奸文昇之黨煽布以預杜外廷之口既損聖躬又虧聖德罪不容死至貴妃封

號允乘典常尊以嫡母若大行皇后何尊以生母若本
生太后何請亟寢前命疏上越四日戊辰帝召見大臣
并及璉且宣錦衣官校衆謂璉疏忤旨必廷杖璉從哲
為解從哲勸璉引罪璉抗聲曰死即死耳璉何罪及入
帝溫言久之數日璉語外廷母信流言遂逐文昇停封
太后命再召大臣皆及璉璉自以小臣預顧命感激誓
以死報九月乙亥朔昧爽帝崩廷臣趨入諸大臣周嘉
謨張問達李汝華等慮皇長子無嫡母生母勢孤乃甚

欲興託之李選侍漣曰天子寧可託婦人且選侍昨于先帝召對羣臣時強上入復推之出是豈可託幼主者請亟見儲皇即呼萬歲擁出乾清暫居慈慶語未畢大學士方從哲劉一燝韓爌至漣趣諸大臣共趨乾清宮閹人持梃不容入漣大罵奴才皇帝召我等今已宴駕若曹不聽入欲何為閹人却乃入臨羣臣呼萬歲請于初十日登極而奉駕至文華殿受羣臣嵩呼駕甫至中宮內監從寢閣出大呼拉少主何往主年少畏人有攬

衣欲奪還者漣格而訶之曰殿下羣臣之主四海九州莫非臣子復畏何人乃擁立文華殿禮畢奉駕入慈慶宮當是時李選侍居乾清一嫫奏曰殿下暫居此俟選侍出宮訖乃歸乾清宮羣臣遂退議登極期語紛紛未定有請改初三者有請於即日午時者漣曰今海宇清晏內無嫡庶之嫌父死之謂何含斂未畢袞冕臨朝非禮也或言登極則人心安漣曰安與不安不在登極早暮處之得宜即朝委裘何害議定出過文華殿太僕少

卿徐養量御史左光斗至責漣悞大事唾其面曰事脫不濟汝死內足食乎漣為踈然乃與光斗從周嘉謨於朝房言選侍無恩德必不可同居明日嘉謨光斗各上疏請選侍移宮初四日得俞旨而選侍聽李進忠計必欲皇長子同居惡光斗疏中武氏語議召皇長子加光斗重譴漣遇內豎於麟趾門內豎備言狀漣正色曰殿下在東宮為太子今則為皇帝選侍安得召且上已十六歲他日即不奈選侍何若曹置身何地怒目視之其

人退給事中惠世揚御史張潑入東宮門駭相告曰選侍入垂簾處光斗汝等何得晏然漣曰無之出皇極門九卿科道議上公疏未決初五日傳聞欲緩移宮期漣及諸大臣畢集慈慶宮門外漣語從哲趣之從哲曰遲亦無害漣曰昨以皇長子就太子宫猶可明日為天子乃反居太子宫以避宮人乎即兩宮聖母如在夫死亦當從子選侍何人敢欺藐如此時中官往來如識或言選侍亦顧命中人漣斥之曰諸臣受顧命於先帝先帝

自欲先顧其子何嘗先顧其嬖勝請選侍于九廟前質之若曹豈食李家祿者能殺我則已否則今日不移死不去一燬嘉謨助之詞色俱厲聲徹御前皇長子使使宣諭乃退復抗疏言選侍陽託保護之名陰圖專擅之實宮必不可不移臣言之在今日殿下行之在今日諸大臣贊決之亦惟今日其日選侍遂移宮居仁壽殿明日庚辰熹宗即位自光宗崩至是凡六日漣與一燬嘉謨定宮府危疑言官惟光斗助之餘悉聽漣指漣鬚髮

盡白帝亦數稱忠臣未幾遷兵科都給事中御史馮三元等極詆熊廷弼陳疏論其事獨持平旋劾兵部尚書黃嘉善八大罪嘉善罷去當選侍之移宮也陳即言于諸大臣曰選侍不移宮非所以尊天子既移宮又當有以安選侍是在諸公調護無使中官取快私讐既而諸有果為流言御史賈繼春遂上書內閣謂不當于新君御極之初首勸主上以違忤先帝逼逐庶母表裏交搆羅織不休俾先帝玉體未寒遂不能保一姬女蓋是時

選侍官奴劉遜劉朝田詔等以盜寶繫獄詞連選侍父
諸奄既無所出則妄言選侍投繯皇八妹入井以熒惑
朝士繼春藉其言首發難于是光斗上疏述移官事而
帝降諭言選侍氣毆聖母及要挾傳封皇后與即日欲
垂簾聽政語又言令奉養李氏于噦鸞宮尊敬不敢怠
大學士從哲封還上諭帝復降諭言選侍過惡而自白
瞻養優厚俾廷臣知未幾噦鸞宮災帝諭內閣言選侍
暨皇八妹無恙而是時給事中周朝瑞謂繼春生事繼

春與相詆諆乃復上書內閣有伶仃之皇八妹入井誰
憐孀寡之未亡人雖經莫訴語朝瑞與辨駁者再漣恐
繼春說遂滋亦上敬述移宮始末疏且言選侍自裁皇
八妹入井蜚語何自臣寧敢無言臣寧使今日忤選侍
無寧使移宮不速不幸而成女后獨覽文書稱制垂簾
之事帝優詔褒漣志安社稷復降諭備述宮掖情事繼
春及其黨益忌漣詆漣結王安國封拜漣不勝憤冬十
二月抗章乞去即出城候命帝復褒其忠直而許之歸

天啟元年春繼春按江西還抵家見帝諸諭乃具疏陳
上書之實帝切責罷其官漣繼春先後去移宮論始息
天啟二年起漣禮科都給事中旋擢太常少卿明年冬
拜左僉都御史又明年春進左副都御史而是時魏忠
賢已用事羣小附之憚忠正盈朝不敢大肆漣益與趙
南星左光斗魏大中輩激揚諷議務植善類抑儉邪忠
賢及其黨衛次骨遂與汪文言獄將羅織諸人事雖獲
解然正人勢日危其年六月漣遂抗疏劾忠賢列其二

十四大罪言高皇帝定令內官不許干預外事祇供掖
廷洒掃違者法無赦聖明在御乃有肆無忌憚濁亂朝
常如東殿太監魏忠賢者敢列其罪狀惟陛下言之忠
賢本市井無賴中年淨身蜚入內地初猶謬為小忠小
信以倖恩繼乃敢為大奸大惡以亂政祖制以擬旨專
責閭臣自忠賢擅權多出傳奉或徑自內批壞祖宗二
百餘年之政體大罪一劉一燝周嘉謨顧命大臣也忠
賢令孫杰論去急于翦已之忌不容陛下不改父之臣

大罪二先帝賓天實有隱恨孫慎行鄒元標以公義發
憤忠賢悉排去之顧于黨護選侍之沈淮曲意綢繆終
加蟒玉親亂賊而讐忠義大罪三王紀鍾羽正先年功
在國本及紀為司寇執法如山羽正為司空清修如鶴
忠賢搆黨斥逐必不容盛時有正色立朝之直臣大罪
四國家最重無如枚卜忠賢一手握定力阻首推之孫
慎行咸以弘更為他辭以錮其出豈真欲門生宰相乎
大罪五爵人於朝莫重廷推去歲南太宰北少宰皆用

陪推致一時名賢不安其位顛倒銓政掉弄機權大罪
六聖政初新正資忠直乃滿朝廷文震孟熊德陽江秉
謙徐大相毛士龍侯震暘等抗論稍忤立行貶黜屢經
恩典竟阻賜環長安謂天子之怒易解忠賢之怒難調
大罪七然猶曰外廷臣子也去歲南郊之日傳聞宮中
有一貴人以德性貞靜荷上寵注忠賢恐其露已驕橫
託言急病置之死地是陛下不能保其貴幸矣大罪八
猶曰無名封也裕妃以有姪傳封中外方為慶幸忠賢

惡其不附已矯旨敕令自盡是陛下不能保其妃嬪矣
大罪九猶曰在妃嬪也中宮有慶已經成男乃忽焉告
殞傳聞忠賢與奉聖夫人實有謀焉是陛下且不能保
其子矣大罪十先帝青宮四十年所與護持孤危者惟
王安耳即陛下倉卒受命擁衛坊維安亦不可謂無勞
忠賢以私忿矯旨殺於南苑是不但仇王安而實敢仇
先帝之老奴況其他內臣無罪而擅殺擅逐者又不知
幾千百也大罪十一今日獎賞明日祠額要挾無窮王

言屢褻近又於河間毀人居屋起建牌坊鏤鳳雕龍千
雲插漢又不止瑩地僭擬陵寢而已大罪十二今日廢
中書明日廢錦衣金吾之堂口皆乳臭誥敕之館目不
識丁如魏良弼魏良材魏良卿魏希孔及其甥傅應星
等濫襲恩廢褻越朝常大罪十三用立枷之法威嚇家
人駢首畢命意欲誣陷國戚動搖中宮若非閣臣力持
言官糾正椒房之戚又興大獄矣大罪十四良鄉生員
章士魁坐爭煤窰託言開礦而致之死假令盜長陵一

抔土何以處之趙高鹿可為馬忠賢煤可為礦大罪十
五王恩敬等牧地細事責在有司忠賢乃幽置陷阱恣
意撈掠視事命如草菅大罪十六給事中周士樸執糾
織監忠賢竟停其陞遷使吏部不得專銓除言官不敢
司封駁大罪十七北鎮撫劉僑不肯殺人媚人忠賢以
不善鍛鍊遂致削籍示大明之律令可以不守而忠賢
之律令不敢不遵大罪十八給事中魏大忠遵寺莅任
忽傳旨詰責及大中回奏臺省交章又再褻王言毋論

玩言官于股掌而煌煌天語朝夕紛更大罪十九東廠
之設原以緝奸自忠賢受事日以快私讐行傾陷為事
縱野子傅應祥陳居恭傅繼教革投匭設阱片語稍違
駕帖立下勢必興同文館獄而後已大罪二十邊警未
息內外戒嚴東廠訪緝何事前奸細韓宗功潛入長安
實主忠賢司房之邨事露始去假令天不悔禍宗功事
成未知九廟生靈安頓何地大罪二十一祖制不蓄內
兵原有深意忠賢與奸相沈淮創立內操數匿奸宄安

知無大盜刺客為敵國窺伺者潛入其中一旦變生肘腋可為深慮大罪二十二忠賢進香涿州警畢傳呼清塵整道人以為大駕出幸及其歸也改駕四馬羽幢青蓋夾護環遮儼然乘輿矣其間入暮効謀叩馬獻策者實繁有徒忠賢此時自視為何如人哉大罪二十三夫寵極則驕恩多成怨聞今春忠賢走馬御前陛下射殺其馬貨以不死忠賢不自伏罪進有傲色退有怨言朝夕隄防介介不釋從來亂臣賊子只爭一念故肆遂至

不可收拾奈何養虎兇于肘腋間乎此又寸轡忠賢不足盡其事者大罪二十四凡此逆跡昭然在人耳目乃內廷畏禍而不敢言外廷結舌而莫敢奏聞或奸狀敗露則又有奉聖夫人為之彌縫甚至無恥之徒攀附枝葉依託門牆更相表裏迭為呼應積威所劫致振廷之中但知有忠賢不知有陛下都城之內亦但知有忠賢不知有陛下即如前日忠賢已往涿州一切政務必星夜馳請待其既旋詔旨始下天顏咫尺忽慢至此陛下

之威靈尚尊于忠賢否邪陛下春秋鼎盛生殺予奪豈不可以自主何為受制么庸小醜令中外大小惴惴莫必其命伏乞大奮雷霆集文武勲戚敕刑部嚴訊以正國法并出奉聖夫人於外用消隱憂臣死且不朽忠賢初聞疏懼甚其黨王體乾及客氏力為保持遂令魏廣徵調肯切責漣先是漣疏就欲早朝面奏值次日免朝恐再宿機洩遂於會極門上之忠賢乃得為計漣愈憤擬對仗復劾之忠賢訥知過帝不御朝者三日及帝出

羣間數百人裹甲夾陛立救左班官不得奏事漣乃止
自是忠賢日謀殺漣至十月吏部尚書趙南星既逐廷
推代者漣注籍不與忠賢矯旨責漣大不敬無人臣禮
偕吏部侍郎陳于廷僉都御史左光斗竝削籍忠賢恨
不已再興汪文言獄將羅織殺漣五年其黨大理丞徐
大化劾漣光斗黨同伐異招權納賄命逮文言下獄鞠
之許顯純嚴鞠文言使引漣納熊廷弼賄文言仰天大
呼曰世豈有貪賊楊大洪哉至死不承大洪者漣別字

也顯純乃自為獄詞坐漣賊二萬遂逮漣士民數萬人
擁道攀號所歷村市悉焚香建醮祈祐漣生還以下詔
獄顯純酷法拷訊體無完膚其年七月遂于夜中斃之
年五十四漣素貧產入官不及千金母妻止宿譙樓二
子至乞食以養徵賊令急鄉人競出資助之下至賣菜
傭亦為輸助其節義感人如此崇禎初贈太子太保兵
部尚書諡忠烈官其一子

左光斗字遺直桐城人萬曆三十五年進士除中書舍

人選授御史巡視中城捕治吏部豪惡吏獲假印七十
餘假官一百餘人輦下震悚出理屯田言北人不知水
利一年而地荒二年而民徙三年而地與民盡矣今欲
使旱不為灾澇不為害惟有興水利一法因條上三因
十四議曰因天之時因地之利因人之情曰議濬川議
疏渠議引流議設壩議建閘議設陂議相地議築塘議
招徠議擇人議擇將議兵屯議力田設科議富民拜爵
其法犁然具備詔悉允行水利大興北人始知藝稻節

元標嘗曰三十年前都人不知稻草何物今所在皆稻
種水田利也閭人劉朝稱東官令旨索戚畹廢莊光斗
不啟封還之曰尺土皆殿下有今日安敢私授閭人憤
而去光宗崩李選侍據乾清宮迫皇帝子封皇后光斗
上言內廷有乾清宮猶外廷有皇極殿惟天子御天得
居之惟皇后配天得共居之其他妃嬪雖以次進御不
得恒居非但避嫌亦以別尊卑也選侍既非嫡母又非
生母儼然尊居正宮而殿下乃退處慈慶不得守几筵

行大禮名分謂何選侍事先皇無脫簪戒旦之德于殿
下無附摩養育之恩此其人豈可以託聖躬者且殿下
春秋十六齡矣內輔以忠直老成外輔以公孤卿貳何
慮乏人尚須乳哺而襁負之哉況濬哲初開正宜不見
可欲何必託于婦人女子之手及今不早斷決將借撫
養之名行專制之實武氏之禍再見于今將來有不忍
言者時選侍欲專大權廷臣箋奏令先進就清然後進
慈慶得光斗牋大怒將加嚴譴數遣使宣召光斗光斗

曰我天子法官也非天子召不赴若輩何為者選侍益
怒邀熹宗至乾清議之熹宗不肯往使取其牋視之
心以為善趣擇日移宮光斗乃免當是時官府危疑人
情危懼光斗與楊漣協心建議排閹奴扶冲主宸極獲
正兩人力為多由是朝野竝稱為楊左未幾御史賈繼
春上書內閣言帝不當薄待庶母光斗聞之即上言先
帝宴駕大臣從乾清宮奉皇上出居慈慶宮臣等以為
不宜避選侍故臣于初二日具慎守典禮肅清宮禁一

疏宮中震怒禍幾不測賴皇上保全發臣疏于內閣初五日閣臣具揭再催奉旨移宮至初六日皇上登極駕還乾清宮禁肅然內外寧謐夫皇上既當還宮則選侍之當移其理明白易曉惟是移宮以後自宜存大體掄小過若復株連蔓引使宮闈不安即于國體有損乞立誅盜寶宮奴劉遜等而盡寬其餘帝乃宣諭百官備述選侍凌虐聖母諸狀及召見又言朕與選侍有仇繼春用是得罪去時廷臣議改元或議削泰昌弗紀或議去

萬曆四十八年即以今年為泰昌或議以明年為泰昌
後年為天啟光斗力排其說請從今年八月以前為萬
曆以後為泰昌議遂定孫如游由中旨入閣抗疏請斥
之出督畿輔學政力杜請寄識鑑如神天啟初廷議起
用熊廷弼罪言官魏應嘉等光斗獨抗疏爭之言廷弼
才優而量不宏昔以守邊則有餘今以復遼則不足已
而廷弼竟敗三年秋疏請召還文震孟滿朝薦毛士龍
徐大相等并乞召繼春及范濟世濟世亦論移宮事與

光斗異者疏上不納其年擢大理丞進少卿明年二月
拜左僉都御史是時韓爌趙南星高攀龍楊漣鄭三俊
李邦華魏大中諸人咸居要地光斗與相得務為危言
覈論甄別流品正人咸賴之而忌者浸不能容光斗與
給事中阮大鍼同里招之入京會吏科都給事中缺當
遷者首周士樸次大鍼次大中次大鍼邀中旨勒士樸不
遷以為已地趙南星惡之欲例轉大鍼大鍼疑光斗發
其謀恨甚熊明遇徐良弼皆欲得僉都御史而南星引

光斗為之兩人亦恨光斗江西人又以他故銜大中遂
共嗾給事中傅樞劾光斗大中與汪文言比而為奸光
斗疏辨且詆樞結束厰理刑傅繼教為昆弟樞恚再疏
訐光斗光斗乞罷事得解楊漣劾魏忠賢光斗與其謀
又與攀龍共發崔呈秀賊私忠賢暨其黨咸怒及忠賢
逐南星攀龍大中次將及漣光斗光斗憤甚草奏劾忠
賢及魏廣徵三十二斬罪擬十一月二日上之先遣妻
子南還忠賢詞知先二日假會推事與漣俱削籍羣小

恨不已復搆文言獄入光斗名遣使往來父老子弟擁
馬首號哭聲震原野緹騎亦為雪涕至則下詔獄酷訊
許顯純誣以受楊鶴熊廷弼賄賂等初不承已而忍以
不承為酷刑所斃冀下法司得少緩死為後圖諸人俱
自誣服光斗坐賊二萬忠賢乃矯旨仍令顯純五日一
追比不下法司諸人始悔失計容城孫奇逢者節俠士
也與定興鹿正以光斗有德於歲輔唱議釀金諸生爭
應之得金數千謀代輸緩其獄而光斗與漣已同日為

獄卒所斃時五年七月二十有六日也年五十一光斗既死賊猶未竟忠賢令撫按嚴追繫其羣從十四人長兄光霽坐累死母以哭子死都御史周應秋猶以所司承追不力疏趣之由是諸人家族盡破及忠賢定三朝要典移宮一案以健光斗為罪魁議開棺僇屍有解之者乃免忠賢既誅贈光斗右都御史錄其一子已再贈太子少保福王時追諡忠毅弟光先由鄉舉官御史巡按浙江任滿既出境許都及東陽光先聞變疾返討平

之福王既立馬士英薦阮大鍼光先爭不可後大鍼得志逮光先亂亟道阻光先間行走嶽嶺緹騎索不得乃止

魏大中字孔時嘉善人自為諸生讀書砥行從高攀龍受業家酷貧意豁如也舉于鄉家人易新衣冠怒而毀之第萬曆四十四年進士官行人數奉使秋毫無所擾天啟元年擢工科給事中楊鶴李如楨既論大辟以僉都御史王德完言大學士韓爌遽擬旨減死大中憤抗

疏力爭詆德完晚節不振盡喪典型語并侵熿帝為詰責大中而德完恚甚言曩不舉李三才為大中所怒兩人互詆訐疏屢上熿亦引咎辭位御史周宗建徐揚先張捷徐景瀟溫臯謨給事中朱欽相右德完交章論大
中久而後定明年偕同官周朝瑞等兩疏劾大學士沈
淮語侵魏進忠客氏及議紅丸事力請誅方從哲崔文
昇李可灼且追論鄭國泰傾害東宮罪持議峻切大為
邪黨所側目太常少卿王紹徽素與東林為難營求巡

撫大中惡其人特疏請斥紹徽紹徽卒自引去再遷禮
科左給事中是時卹典冒濫每大臣卒其子弟當緣要
路以請無不如志大中素疾之一切裁以典制四年遷
吏科都給事中大中居官不以家自隨二蒼頭給爨而
已入朝則鍵其戶寂無一人有外吏以苞苴至舉發之
自是無敢及大中門者吏部尚書趙南星知其賢事多
咨訪朝士不能得南星意率怨大中而是時厭排東林
者多屏廢方恨南星輩次骨東林中又各以地分左右

大中嘗馭蘇松巡撫王象恒卹典山東人居言路者咸
怒及馭浙江巡撫劉一焜江西人亦大怒給事中章允
儒江西人也性尤忤其同官傅樞假汪文言發難文
言者歛人初為縣吏智巧任術負俠氣于王立遣入京
刺事收賞為監生用計破齊楚浙三黨察東宮伴讀王
安賢而知書傾心結納與談當世流品光熹之際外廷
倚劉一焜而安居中以次行諸善政文言交關力為多
魏忠賢既殺安府丞卹輔忠遂劾文言褫其監生既出

都復逮下更得未減益游公卿間與馬當填濫戶外大
學士葉向高用為內閣中書大中及韓爌趙南星楊漣
左光斗與往來頗有迹會給事中阮大鍼與光斗大中
有隙遂與允儒定計囑樵劾文言并劾大中貌陋心險
色取行違與光斗等交通文言肆為奸利疏入忠賢大
喜立下文言詔獄大中時方遷吏科上疏力辨詔許履
任御史表化中給事中甄淑等相繼為大中光斗辦大
學士葉向高以舉用文言亦引罪求罷獄方急御史黃

尊素語鎮撫劉僑曰文言無足惜不可使搢紳禍由此起僑領之獄辭無所連文言廷杖褫職牽及者獲免大中乃遵旨履任明日鵬臚報名面恩中賢忽矯旨責大中五許未竣不得赴新任故事鴻臚報名狀無批諭旨者舉朝駭愕槐亦言中旨不宜旁出大中乃復視事未幾楊漣疏劾忠賢大中亦率同官上言從古君側之奸非遂能禍人國也有忠臣不惜其身以告之君而其君不悟乃至於不可救今忠賢擅威福結黨與首殺王安

以樹威於內繼逐劉一燝周嘉謨王紀以樹威於外近
且斃三戚旣家人以樹威於三宮深結保姆客氏伺陛
下起居廣布傳應星陳居恭傳繼教革通朝中聲息人
怨于下天怒于上故陳不惜粉身碎首為陛下力陳今
忠賢種種罪狀陛下悉引為親戚代之任咎恐忠賢所
以得溫旨即出忠賢手而陳之疏陛下且未及省覽也
陛下貴為天子致三宮列嬪盡寄性命於忠賢客氏能
不寒心陛下謂宮禁嚴密外廷安知枚乘有言欲人弗

知莫若弗為未有為其事而他人不知者又謂左右屏而聖躬將孤立夫陛下一身大小臣工所擁衛何藉於忠賢若忠賢容氏一日不去恐禁廷左右悉忠賢容氏之人非陛下之人陛下真孤立於上耳忠賢得疏大怒矯旨切讓尚未有以罪也大學士魏廣徵結納忠賢表裏為奸大中每欲糾之會益冬時享廣徵偃蹇後至大中遂托疏劾之廣徵愠益與忠賢合忠賢勢益張以廷臣交攻楊示欲戢且曲從諸所奏請而陰伺其隙迨更

部推謝應詳巡撫山西廣徵遂族所親陳九疇劾大中
出應祥門推舉不公貶三秩出之外盡逐諸正人吏部
尚書趙南星等天下大權一歸于忠賢明年逆黨梁夢
環復劾文言再下詔獄鎮撫許顯純自刎犢以上南星
漣光斗大中及李若星毛士龍表化中繆昌期鄒維璉
鄧漢廬化鰲錢士晉夏之令王之冢徐良彥熊明遇周
朝瑞黃龍光顧大章李三才惠世揚施天德黃正賓輩
無所不牽引而以漣光斗大中化中朝瑞大章為受楊

錫熊廷弼賄大中坐三十矯旨俱逮下詔獄鄉人聞大
中逮去號泣送諸數千人比入鎮撫司顯純酷刑拷訊
血肉狼籍其年七月獄卒受指與連光斗同夕斃之故
遲數日始報大中屍潰敗至不可識莊烈帝嗣位忠賢
被誅廣徵槐九疇夢環竝麗逆崇大中贈太常卿諡忠
節錄其一子長子學泖字子敬為諸生好學工文有至
性大中被逮學泖號慟欲隨行大中曰父子俱碎無為
也乃微服間行刺探起居既抵都邏卒四布變姓名匿

旅舍晝伏夜出稱貸以完父贓賊未竟而大中薨學泮
慟幾絕扶視歸晨夕號泣遂病家人以漿進輒麾去曰
詔獄中誰半夜進一漿者竟號泣死崇禎初有司以狀
聞詔旌為孝子次子學濂有盛名舉崇禎十六年進士
擢庶吉士明年李自成逼京師與同官吳爾璵慷慨有
所論建大學士范景文以聞莊烈帝特召見兩人將任
用之無何京師陷不能死受賊戶部司務職墮其家聲
既而自慚賦絕命詞二章縊死去帝殉社稷時四十日

矣文言之再下詔獄也顯純逼令引健等文言備受五
毒不承顯純乃手作文言供狀文言垂死張目大呼曰
爾莫妄書異時吾當與面質顯純遂即日死之健大中
等逮致無可質者賊懸坐而已諸所誣趙南星繆昌期
輩亦竝令撫按追贓衣冠之禍由此徧天下始熊廷弼
論死久帝以孫承宗請有詔待以不死刑部尚書喬允
升等遂欲因朝審寬其罪大中力持不可及忠賢殺大
中乃坐以納廷弼賄云

周朝瑞字思永臨清人萬歷三十五年進士授中書舍人光宗嗣位擢吏科給事中疏請收錄先朝遺直俄陳慎初三要曰信仁賢廣德澤遠邪佞因請留上供金花銀以左軍興詞多斥中官中官皆惡之激帝怒貶秩調外時列諫垣甫四日也未出都而僖宗立詔復故官疏請容納直言又陳考選諸弊日講將舉進君臣交警之規帝竝褒納賈繼春之請安李選侍也朝瑞力駁之與繼春往復者數四天啟元年再遷禮科左給事中時遼

事方棘朝瑞請于閣臣中推通曉兵事者二人專司其事而以職方郎一人專理幾宜給事中二人專主封駁帝可之雄縣知縣王約諫為閩人所誣中旨錫秩給事中毛士龍以糾駁閩人為府丞即輔忠所陷中旨除名朝瑞竝抗疏論列十二月辛巳日上有一物覆壓忽大風揚沙天盡赤都人駭愕所司不以聞朝廷請帝修省而嚴敕內外臣工毋鬪爭悞國更詰責所司不奏報之罪帝約之時帝踐祚歲餘未嘗親政權多旁落朝瑞請

帝躬覽萬機帝降旨言政委閣臣祖宗舊制不可紊然其時政權故不在閣也明年二月廣寧失詔停經筵日請朝端等上言此果出聖意輔臣當引義爭如輔臣阿中涓意則其過滋大且主上冲齡志意未定獨賴朝講不輟諸臣得一覲天顏共白指鹿之奸今常朝已漸傳免倘併請筵廢之九閭既隔無謁見時司馬門之報格不入呂大防之貶不及知國家大事去矣會禮部亦以為言乃命日講如故已偕諸給事御史惠世揚左光斗

等極論大學士沈灌結中官練兵為肘腋之賊灌疏辦
朝瑞等盡發其賄交魏進忠盧受劉朝客氏而未復侵
其私人邵輔忠徐大化語過激奪疏首世揚俸大化嘗
承要人指力攻熊廷弼朝瑞惡之無何王化貞棄廣寧
逃大化又請立誅廷弼朝瑞以廷弼才可用請令帶罪
守山海疏四上竝抑不行大化遂力詆朝瑞朝瑞憤亦
醜詆之尚書王紀劾罷大化朝瑞方擢太僕少卿而大
化旋以中旨起用必欲殺朝瑞竄其名汪文言獄中與

楊健等五人竝下鎮撫獄坐妄議移宮及受廷珩賄萬金五日再訊榜掠備至竟斃之獄崇禎初贈大理卿子一子官福王時諡忠毅

袁化中字民諧武定人萬歷三十五年進士歷知內黃涇陽有善政泰昌元年擢御史時熹宗冲齡踐阼上無母后官府危疑化中上疏劾輔臣方從哲報聞天啟元年二月疏陳時事可憂者八曰宮禁漸弛曰言路漸輕曰法紀漸替曰賄賂漸章曰邊疆漸壞曰職掌漸失曰

曰宦官漸盛曰人心漸離語皆剴切出按宣大以憂歸服除起掌河南道楊漣劾魏忠賢化中亦率同官上疏曰忠賢障日蔽月逞威作福視大臣如奴隸斥言官若狐雖殺內廷外臣如草菅朝野共危神人胥憤特陛下未之知故忠賢猶有畏心今漣已抗詞入告矣陛下念潛邸微勞或貸忠賢以不死而忠賢實自懼一死懼死之念深將挺而走險騎虎難下臣恐其橫逞之毒不在搢紳而即在陛下陛下試思深宮之內可使多疑多懼之

人日侍左右而不為防制哉疏入忠賢大恨錦衣陳居
恭者忠賢爪牙也為漣所論及亦攻忠賢自解化中特
疏劾之落其職毛文龍獻俘十二人而稚兒童女居其
八化中力請釋之因言文龍敘功之濫忠賢素庇文龍
益不悅崔呈秀按淮揚賊私狼籍回道考覈化中據實
上之崔呈秀大恨會謝應祥廷推被訐化中與其事呈
秀遂嗾忠賢貶化中秩調之外已竄入汪文言獄詞中
逮下詔獄呈秀命許顯純坐以楊鶴熊廷弼賄六千酷

刑拷掠於獄中斃之崇禎初贈太僕卿官其一子福王
時追諡忠愍

顧大章字伯欽常熟人父雲程南京太常卿大章與弟
大韶學生子也大章舉萬曆三十五年進士授泉州推
官乞改常州教授父喪除值朝中朋黨角立正士日摧
大章慨然曰昔賈彪不入顧厨之目卒西行以解其難
余向以東林疏可以彪自況也乃入都補國子博士與
朝士通往來陰察其交關宵縈清流賴之稍遷刑部主

事以奉使歸還朝天啟已改元進貢外郎尚書王紀令
署山東司事司轄輦轂最難任自遼陽失五城及京營
巡捕日以邏奸細為事稍有蹤跡率論死絕無左驗者
二百餘人所司莫敢讞多徙官去囚未死者僅四之一
大章言於紀曰以一身易五十人命且甘之矧一官乎
即日會獻繫二人餘悉移大理釋放紀大嗟服佟卜年
之獄紀用大章言擬流卜年未上而紀斥侍郎楊東明
署事欲寘之大辟大章力爭卒擬流忤旨詰責竟論卜

年辟庾死獄中魏忠賢欲借劉一燾株累劉一燾大章力辨其非中賢大恨卜年一燾事具紀一燾傳中熊廷弼王化貞之下更也法師諸屬二十八人共讞多有議寬廷弼者大章因援議能議勞例言化中宜誅廷弼宜論成然二人卒坐死大章亦遷兵部去無異議也會王紀劾罷徐大化又疏刺客氏其黨宜紀疏出大章手恨之大化令所親御史楊維垣訐大章妄倡八議鬻大獄大章疏辨維垣四疏力攻言納廷弼賄四萬且列其鬻

獄數事反覆詆訐不休大章危甚賴座主葉向高保持之下所司驗問都御史孫瑋等白其誣帝以大章漬辨稍奪其俸大章遂引歸五年起官歷禮部郎中陝西副使大化已起大理丞與維垣為忠賢鷹犬因假汪文言獄連及大章逮下鎮撫拷掠坐賊四萬及楊漣等五人既死羣小聚謀謂諸人潛斃於獄無以厭人心宜付法司定罪明詔天下乃移大章刑部獄由是漣等慘死狀外人始聞以對簿大章詞氣不撓刑部尚書李養正等

一如鎮撫原詞以移宮事牽合封疆坐六人大辟爰書
既上忠賢大喜矯詔布告四方仍移大章鎮撫大章慨
然曰吾安可再入此獄呼酒與大韶訣趣和藥飲之不
死投繯而卒崇禎初贈太僕卿官其一子福王時追諡
裕愍初大章等被逮祕獄中忽生黃芝光彩遠映及六
人畢入適成六瓣或以為祥大章嘆曰芝瑞物也而辱
於此吾輩具有幸乎已而果然大韶字仲恭老于諸生
通經史百家及內典於詩禮儀禮周官多所發明他辨

馭者復數萬言嘗以為宋元以來述者之事備學者但當誦而不述將死始善所箋詩禮莊子曰炳燭齊隨筆云

王之采字心一朝邑人萬歷二十九年進士除清苑知縣遷刑部主事四十三年五月初四日酉刻有不知姓名男子持棗木梃入慈慶宮門擊傷守門內侍李鑑至前殿檐下為內侍韓本用等所執付東華門守衛指揮朱雄等收之慈慶宮者皇太子所居宮也明日皇太子

奏聞帝命法司按問巡皇城御史劉廷元鞠奏犯名張
差薊州人止稱吃齋討封語無倫次按其迹若涉瘋癲
據其貌實係黥猾請下法司嚴訊時東宮雖久定帝待
之薄中外疑鄭貴妃與其弟國泰謀危太子顧未得事
端而方從哲革亦頗闕通戚畹以自固差被執舉朝驚
駭廷元以瘋癲奏刑部山東司郎中胡士相偕負外郎
趙會楨勞永嘉共訊一如廷元指言差積柴草為人所
燒氣憤發癲於四月內訴寃入京遇不知名男子二人

給令執梃作冤狀乃由東華門入直至慈慶宮門按律
當斬加等立決藁定未上山東司主治京師事署印侍
郎張問達以屬之而士相永嘉與廷元皆浙人士相又
廷元姻也瘋癲具獄之寀心疑其非是月十一日之寀
值提牢散飯獄中未至差私詰其寀初言告狀復言掠
死罷已無用之寀令置飯差前吐實與飯否則餓死麾
左右出留二吏扶問之始言小名張五兒有馬三舅李
外父今隨不知姓名一老公說事成與汝也幾畝比至

京入不知街道大宅子一老公飯我云汝先衝一遭遇
人輒打死死了我們救汝畀我棗木棍導我由後宰門
直至宮門上擊門者墮地老公多遂被執之案備揭其
語因問達以聞且言差不顧不狂有心有膽乞轉充犯
于文華殿前朝審或赦九卿科道三法司會問疏入未
下大理寺王士昌行人司正陸大受戶部主事張庭絡
事中姚永濟等連上疏趣之而大受疏有奸戚二字帝
惡之與之案疏具不報廷元復請速檢諸疏下法司訊

斷御史過庭訓言禍生肘腋宜亟翦亦俱不報庭訓遂
移文蘄州蹤跡之知州戚延齡具言其致癩始末言貴
妃遣瑞建佛寺瑞置陶造甃居民多鬻薪獲利者差賣
田貿薪往市于瑞土人忌之焚其薪差訟於瑞為所責
不勝憤持梃欲告御狀於是原問諸臣據為口實矣二
十一日刑部會十三司司官胡士相陸夢龍鄒紹光曾
曰唯趙會楨勞永嘉王之宋吳養源曾之可柯文羅光
鼎曾道唯劉斷禮吳孟登岳駿聲唐嗣美馬德禮朱瑞

鳳等再審差供馬三舅名三道李外父名守才不知姓名老公乃修鐵瓦殿之厯保不知街道宅子乃住朝外大宅之劉成二人令我打上宮門打得小爺喫有著有小爺者內監所稱皇太子者也又言有姊夫孔道同謀凡五人於是刑部行薊州道提馬三道等疏請法司提厯保劉成對鞫而給事中何士晉與從哲等亦俱以為言帝乃諭究主使會法司擬罪是日刑部據薊州回文以上已復諭嚴刑鞫審速正典刑時中外籍籍語多侵

國泰國泰出揭自白士晉復疏攻國泰語具士晉傳先是百戶王曰乾上變言奸人孔學等為巫蠱將不利於皇太子詢已連劉成成與保皆貴妃宮中內侍也至是復涉成帝心動諭貴妃善為計貴妃窘乞哀皇太子自明無它帝亦數慰諭俾太子白之廷臣太子亦以事連貴妃大懼乃緣帝及貴妃意期速結二十八日帝親御慈寧宮皇太子侍御座右三皇孫鴈行立左階下召大學士方從哲吳道南暨文武諸臣入責以離間父子諭

令磔張差厲保劉成無他及因執太子手曰此兒極孝
我極愛惜既又手約太子體諭曰自襁褓養成丈夫既
我有別意何不早更置且福王已之國去此數千里自
非宣召能翼而至乎因命內侍引三皇孫至石級上令
諸臣熟視曰朕諸孫俱長成更何說顧問皇太子有何
語與諸臣悉言無隱皇太子具言瘋癲之人宜速決毋
株連又責諸臣云我父子何等親愛而外廷議論紛如
爾等為無君之臣使我為不孝之子帝又謂諸臣曰爾

等聽皇太子語否復連聲重申之諸臣跪聽叩頭出遂
命法司決差明日磔於市又明日師禮監詹廷臣鞠保
成于文華門時已無左証保成展轉不承詹太子傳諭
輕擬廷臣乃散去越十餘日刑部議流馬三道李守才
孔道帝從之而斃保成於內廷其事遂止當是時帝不
見羣臣二十有五年矣以之案發保成事特一出以釋
羣臣疑且調劑貴妃太子念其事似有跡故不遽罪之
案也四十五年京察給事中徐紹吉御史韓俊用拾遺

劾之宋貪遂削其籍天啟初廷臣多為之訟寃召復故
官二年二月上復讐疏曰禮君父之讐不共戴天舜襄
公復九世之讐春秋大之曩李選侍氣毆聖母陛下再
三播告中外停其貴妃之封聖母在天之靈必有心安
而目瞑者此復讐之大義也乃先帝一生遭逢多難彌
留之際飲恨以崩試問李可灼之誤用藥引進者誰崔
文昇之故用藥主使者誰惡方從哲之罪不在可灼文
昇下此先帝大讐未復者一也張差持梃犯宮安危止

在呼吸此乾坤何等時乃劉廷元曲盖奸謀以瘋癲具
獄矣胡士相等改注口語以賣薪成招矣其後復讞差
供同謀舉事內外設伏多人守才三道亦供結黨連謀
而士相輩悉抹去之當時有內應有外援一夫作難九
廟震驚何物兇徒敢肆行不道乃爾緣外戚鄭國泰私
結劉廷元劉光復姚宗文輩珠玉金錢充滿其室言官
結舌莫敢誰何遂無復顧憚睥睨神器耳國泰雖死罪
不容誅法當開棺戮屍夷其族赭其宮而至令猶未謀

及此先帝大誓未復者二也總之用藥之術卽槌擊之
謀擊不中而促之藥是文昇之藥參于張差之槌也張
差之前從無張差劉成之後豈乏劉成臣見陛下之孤
立于上矣又言郎中胡士相等主瘋癲者也堂官張問
達調停瘋癲者也寺臣王士昌疏忠而心佞評無隻字
訟多溢詞堂官張問達語轉而意圖先允瘋癲後覓奸
允勞永嘉岳駿聲等同惡相濟張差招有三十六頭兒
則胡士相閣筆招有東邊一起幹事則岳駿聲言波及

無辜招有紅封票高真人則勞永嘉言不及究紅封教
令高一奎見監薊州係鎮朔衛人蓋高一奎主持紅封
教者也馬三道管給紅票者也龐保劉成供給紅封教
多人撒棍者也諸奸增減會審公單大逆不道疏入帝
不問而先主瘋癲者恨次骨未幾之冢遷尚寶少卿踰
年遷太僕少卿尋轉本寺卿廷元及岳駿聲曾道唯以
之冢侵已先後疏辨之冢亦連疏力折并發諸人前議
差獄時分金紅廟中及居間主名甚悉事雖不行諸人

益疾之四年秋拜刑部右侍郎明年二月魏忠賢勢大張其黨楊維垣首翻梃擊之按力詆之宋生除名俄入之汪文言獄中下撫按提問岳駿聲復許之且言其逼取鄭國泰二萬金有詔追治及修三朝要典其梃擊事以之宋為罪首府尹劉志選復重劾之遂逮下詔獄坐賊八千之宋竟瘐死崇禎初復官賜卹自梃擊之議起而紅丸移宮二事繼之兩黨是非爭勝禍患相尋迄明亡而後已

贊曰國之將亡也先自戕其善類而水旱盜賊乘之故
禍亂之端士君子恒先被其毒異哉明之所稱三案者
舉朝士大夫喋喋不去口而元惡大憝因用以翦除善
類卒致楊左諸人身填牢戶與東漢季年若蹈一轍國
安得不亡乎

明史卷二百四十四

欽定四庫全書

明史卷二百四十四考證

楊漣傳漣光斗乃倡言於朝共詰責鄭養性

臣方焯

按帝有疾之後都督僉事鄭養性有請收回封后成命一書至是漣疏中並劾養性云當年主喪未定實不聞有調護之深心而此時長君踐阼儘無取乎沾沾承奉之虛文矣見明實錄原疏謹附識

楊漣傳帝溫言久之數目漣語外廷毋信流言遂逐文

昇

臣

方煒按帝因漣有劾文昇一書故召見部院

吏科河南道外特及漣云見明實錄謹附識

楊漣傳再召大臣皆及漣

臣

方煒按光宗實錄八月

癸酉召見惟賢從哲等於乾清宮甲戌大漸復召諸
臣受顧命蓋八月二十八九日也所謂再召大臣者
指此謹附識

楊漣傳且選侍昨於先帝召對羣臣時強上入復推之

出

臣

方煒按八月乙卯光宗諭禮部封選侍為皇

貴妃至甲戌召見羣臣復申前諭語未既選侍呼皇
長子入趣之出曰欲封后帝不語見明紀事本末謹

附識

楊漣傳羣臣遂退

臣

方煒按漣退時內監王安等曰

外事緩急在諸大臣調護聖躬在爾等責有所歸復
語錦衣帥駱思恭嚴緹騎內外防護見明紀事本末
謹附識

楊漣傳御史馮三元極詆熊廷弼

臣

方煒按是時三

元詆廷弼無謀者八欺君者三詔下廷臣議見孫承澤春明夢餘錄謹附識

楊漣傳漣疏論其事獨持平

臣

方煒按漣論廷弼疏

云議經略者終難抹煞其功憐經略者亦難掩飾其咎功在支撐辛苦得二載之倖安咎在積弱難持悵萬全之無策見明實錄原疏所謂持平者借此謹附識

楊漣傳旋劾兵部尚書黃嘉善八大罪

臣

方煒按漣

所劾嘉善八大罪明實錄諸書俱無可考謹識

楊漣傳大學士從哲封還上諭

臣

方煒按從哲之封

還上諭也帝再諭發抄南京御史王允成糾從哲曰
陛下發一諭不過如常人表明心跡耳而從哲輒敢
封還司馬昭之心路人知之見明紀事本末謹附識
楊漣傳漣恐繼春說遂滋亦上敬述移宮始末疏

臣

方煒按漣疏並言前此宸居未定則先帝之付托為重
而平日之寵愛為輕宸居已定既盡臣子防危之忠

即當體皇上如天之度因請於皇弟皇妹時賜慰安
並酌加選侍恩數見實錄原疏謹附識

楊漣傳其年六月漣遂抗疏劾忠賢列其二十四大罪

臣方煒按是時御史李應昇以內操諫給事中霍

守典以忠賢乞祠額諫御史劉廷佐以忠賢濫廕諫
給事中沈惟柄以立枷諫忠賢皆矯旨切責漣于是
憤極劾之見孫承澤春明夢餘錄謹附識

楊漣傳孫慎行鄒元標以公義發憤

臣方煒按二年

四月慎行以紅丸事力劾方從哲元標相繼言之見明實錄所謂以公義發憤者指此謹附識

楊漣傳忠賢初聞疏懼甚其黨王體乾及客氏力為保持遂令魏廣微調旨既上忠賢懼甚切責漣

臣方煒

按漣疏既上忠賢懼甚求解於韓爌爌不應遂趨帝前乞訴且辭東廠而客氏曲為剖析體乾等翼之遂溫旨慰留而切責漣見明紀事本末謹附識

楊漣傳先是漣疏執欲早朝面奏值次日免朝恐再宿

机洩遂於會極門上之

方煒按漣被責後給事

中魏大中陳良訓許譽卿御史劉璞楊玉珂等太常
卿胡世賞祭酒蔡毅中撫寧侯朱國弼南京兵部尚
書陳道亨侍郎岳元聲等七十餘人交章論忠賢不
法皆不聽見明實錄謹附識

左光斗傳議兵屯議力田

臣方煒按是時光斗並於

河間天津設屯學試騎射為武生給田百畝見屯田

志謹附識

左光斗傳繼春用是得罪

臣

方煒按繼春是時屢奉

嚴旨切責令陳狀御史張慎言高弘圖連章求寬帝益怒奪慎言等俸既而繼春回奏詞甚哀且隱雉經入井二語帝益窮詰令再陳言得之風聞乃除名永銅見孫承澤春明夢餘錄謹附識

左光斗傳光斗憤甚草奏劾忠賢及魏廣微三十二斬罪

臣

方煒按光斗所劾忠賢等三十二罪為當時

屬草未上之疏故明實錄諸書均無考謹附識

左光斗傳忠賢詞知先二日假會推事與漣俱削籍

臣方燁按四年十月吏部尚書趙南星左都御史高攀龍致仕令別推可吏部都察院者及推上忠賢矯旨責漣光斗與陳于廷等黨比並削籍見明紀事本

末謹附識

魏大中傳楊錫李如楨既論大辟以僉都御史王德完言大學士韓爌遽擬旨減死大中憤抗疏力爭

臣

方燁按是時廷臣急欲誅錫等德完乃上疏請酌公

論或遣戍立功或即時正辟蓋設兩途以俟帝寬之
且因薦順天府丞卽輔忠通政叅議吳殿邦以二人
嘗力攻李三才也及旨下果減死于是大中力爭之
見明實錄謹附識

魏大中傳御史黃尊素語鎮撫劉僑旻言無足惜不可使
搢紳禍由此起僑領之獄辭無所連

臣方煒按僑

以治文言獄失忠賢指遂削籍以許顯純代之見明
紀事本末謹附識

魏大中傳益冬時身廣微偃寨後至大中遂抗疏劾之

臣

方煒按廣微被劾上書自理御史李應昇劾之

先是趙南星以年老奏免早朝而應昇劾廣微疏引
律祭享失誤杖一百之文廣微乃言尚書可免早朝
內閣失儀乃遽欲行杖耶遂決意傾善類見明紀事
本末謹附識

周朝瑞傳貶秩調外

臣

方煒按是時帝責朝瑞要譽

妄言降一級調外文選司員外郎范景文申救不聽

見孫承澤春明夢餘錄謹附識

周朝瑞傳十二月辛巳日上有一物覆壓忽大風揚沙

天盡赤

臣

方煒按天文志天啟四年十二月辛巳

午刻非煙非霧覆壓日上摩蕩如蓋如吞通天皆赤
此叙于元年之後互異謹附識

袁化中傳化中上疏劾輔臣方從哲

臣

方煒按化中

劾從哲疏言其占籍京師近習中涓皆其梓里柄政
以來摸稜朋比並列其于移宮紅丸兩案觀望袒庇

之罪見明實錄原疏謹附識

顧大章傳熊廷弼王化貞之下吏也

臣方煒按廷弼

化貞下吏時大章已調禮部王紀重其才留之屬以大獄見明紀事本末謹附識

王之寀傳於是刑部行薊州道提馬三道等疏請法司

提龐保劉成對鞠

臣方煒按是時太常少卿史益

麟亦疏言宜力窮其事見明實錄謹附識

明史卷二百四十四考證

欽定四庫全書

明史卷二百四十五

大學士張廷玉等奉 敕修

列傳第一百三十三

周起元

繆昌期

周順昌

子茂蘭 朱祖
文 顏佩章等

周宗建

蔣英

黃尊素

李應昇

萬燝

丁乾學等

周起元字仲先海澄人萬曆二十八年鄉試第一明年成進士歷知浮梁南昌以廉惠稱行取入都注湖廣道御史方候命值京察御史劉國縉疑鄭繼芳假書出起元及李邦華李炳恭徐縉芳徐良彥手遂目為五鬼繼芳且入之疏中起元憤上章自明居二年御史命始下會太僕少卿徐兆魁以攻東林為御史錢春所劾起元亦疏劾之奸人劉世學者誠意伯劉薑臣從祖也疏詆顧憲成起元憤力斥其謬薑臣遂訐起元益詆憲成起

元再疏極論其同官翟鳳翀余懋衡徐良彥魏雲中李
邦華王時熙潘之祥亦交章論列且下令捕世學世學
遂逃去吏部侍郎方從哲由中旨起官起元力言不可
并刺給事中忝詩教周永春吏部侍郎李養正郭士望
等吏部尚書趙煥出雲中時熙於外起元効其背旨擅
權坐停俸煥去鄭繼之代又出之祥及張鍵起元亦抗
疏糾駁因言張光房等五人不當擯之部曹與黨人抵
牾忌者益衆尋巡按陝西風采甚著卒以東林故出為

廣西參議分守右江道柳州大饑羣盜蠹起起元單騎
招劇賊而振卹饑民甚至移西川副使未上會遼陽破
廷議通州重地宜設監司乃命起元以參政涖之天啟
三年入為太僕少卿旋擢右僉都御史巡撫蘇松十府
公廉愛民絲粟無所取遇大水百方拯卹民忘其困織
造中官李實素貪橫妄增定額恣誅求蘇州同知楊姜
署府事實惡其不屈撫他事劾之起元至即為姜辨寬
且上去蠹七事語多侵實實欲姜行屬吏禮再疏誣逮

之起元再疏雪姜更切直魏忠賢庇實取嚴旨責起元
令速上姜貪劣狀起元益頌姜廉謹詆實誣毀因引罪
乞罷忠賢大怒矯旨斥姜為民起元復劾實貪恣不法
數事而為姜求寬實以此斂威而忠賢遂銜起元不置
分守參政朱童蒙者先為兵科都給事中以攻鄒元標
講學外遷失志狂暴每行道輒鞭撲數十人血肉狼藉
起元欲糾之童蒙遂稱病去起元乃列其貪虐狀以聞
忠賢遂矯旨削起元籍擢童蒙京卿六年二月忠賢欲

殺高攀龍周順昌繆昌期黃尊素李應昇周宗建六人
取實空印疏令其黨李永貞李朝欽偽為實奏誣起元
為巡撫時乾沒帑金十餘萬日與攀龍輩往來講學因
行居閒矯旨逮起元至則順昌等已斃獄中許顯純酷
擄掠竟如實疏懸贓十萬罄貲不足親故多破其家九
月斃之獄中吳士民及其鄉人無不垂涕者莊烈帝嗣
位贈兵部右侍郎官一子福王時追謚忠惠

繆昌期字當時江陰人為諸生有盛名舉萬曆四十一

年進士改庶吉士年五十有二矣有同年生忌之揚言
為于玉立所薦自是有東林之目張差挺擊事劉廷元
倡言瘋癲劉光復和之疏詆發訐者謂不當詆之為奇
貨居之為元功昌期憤語朝士曰奸徒狙擊青宮此何
等事乃以瘋癲二字庇天下亂臣賊子以奇貨元功四
字沒天下忠臣義士哉廷元輩聞其語深疾之給事中
劉文炳劾大學士吳道南遂陰詆昌期時方授檢討文
炳再疏顯攻昌期即移疾去既而京察廷元輩復思中

之學士劉一燝力持乃免天啟元年還朝一燝以次輔當國其冬首輔葉向高至小人間一燝於向高謂欲沮其來向高不悅會給事中孫杰承魏忠賢指劾一燝及周嘉謨忠賢遽傳旨允放昌期急詣向高力言二人顧命重臣不可輕逐內傳不可奉向高怫然曰上所傳何敢不奉昌期曰公三朝老臣始至之日以去就力爭必可得也若一傳而放兩大臣異日天子手滑不復可止矣向高默然昌期因備言一燝質直無他腸向高意少

解會顧大章亦為向高言之一燬乃得善去兩人故向
高門下士也昌期尋遷左贊善進諭德楊漣劾忠賢疏
上昌期適過向高向高曰楊君此疏太率易其人於上
前時有匡正鳥飛入宮上乘梯手攫之其人挽衣不得
上有小璫賜緋者叱曰此非汝分雖賜不得衣也其強
直如此是疏行安得此小心謹慎之人在上左右昌期
愕然曰誰為此言以誤公可斬也向高色變昌期徐起
去語聞於漣漣怒向高亦內慙密具揭請帝允忠賢辭

忠賢大愾會有言連䟽乃昌期代草者忠賢遂深怒不可解及向高去韓爌秉政忠賢遂趙南星高攀龍魏大中及連光斗爌皆具揭懇留忠賢及其黨謂昌期實左右之而昌期於諸人去國率送之郊外執手太息由是忠賢益恨昌期知勢不可留具䟽乞假遂落職閒住五年春以汪文言獄詞連及削職提問忠賢恨不置明年二月復於他䟽責昌期已削籍猶冠蓋延賓令緹騎逮問踰月復入之李實䟽中下詔獄昌期慷慨對簿詞氣

不撓竟坐贓三千五毒備至四月晦斃於獄莊烈帝即位贈詹事兼侍讀學士錄其一子詔并予謚而是時姚希孟以詞臣持物論雅不善左光斗周宗建力尼之遂并昌期及周起元李應昇黃尊素周朝瑞袁化中顧大章皆不獲謚福王時始謚文貞

周順昌字景文吳縣人萬厯四十一年進士授福州推官捕治稅監高宥爪牙不少貸宥激民變劫辱巡撫袁一驥質其二子并質僉事呂純如或議以順昌代順昌

不可純如以此銜順昌擢吏部稽勲主事天啟中歷文
選員外郎署選事力杜請寄抑僥倖清操皜然乞假歸
順昌為人剛方貞介疾惡如讐巡撫周起元忤魏忠賢
削籍順昌為文送之指斥無所諱魏大中被逮道吳門
順昌出錢與同卧起者三日許以女聘大中孫旂尉屢
趣行順昌瞋目曰若不知世間有不畏死男子耶歸語
忠賢我故吏部郎周順昌也因戟手呼忠賢名罵不絕
口旂尉歸以告忠賢御史倪文煥者忠賢義子也誣劾

同官夏之令致之死順昌嘗語人他日俛御史當償夏御史命文煥大恚遂承忠賢指劾順昌與罪人婚且誣以贓賄忠賢即矯旨削奪先所忤副使呂純如順昌同郡人以京卿家居挾前恨數譖於織造中官李實及巡撫毛一鷺已實追論周起元遂誣順昌請囑有所乾沒與起元等並逮順昌好為德於鄉有冤抑及郡中大利害輒為所司陳說以故士民德順昌甚及聞逮者至衆咸憤怒號冤者塞道至開讀日不期而集者數萬人咸

執香為周吏部乞命諸生文震亨楊廷樞王節劉羽翰等前謁一鷺及巡按御史徐吉請以民情上聞旂尉厲聲罵曰東廠逮人鼠輩敢爾大呼囚安在手擲銀鎗於地聲琅然衆益憤曰始吾以為天子命乃東廠耶蠶擁大呼勢如山崩旂尉東西竄衆縱橫毆擊斃一人餘員重傷踰垣走一鷺吉不能語知府寇慎知縣陳文瑞素得民曲為解諭衆始散順昌乃自詣吏又三日北行一鷺飛章告變東廠刺事者言吳人盡反謀斷水道劫漕

舟忠賢大懼已而一鷺言縛得倡亂者顏佩章馬傑沈
揚楊念如周文元等亂已定忠賢乃安然自是緹騎不
出國門矣順昌至京師下詔獄許顯純鍛鍊坐贓三千
五日一酷掠每掠治必大罵忠賢顯純椎落其齒自起
問曰復能罵魏上公否順昌嚙血唾其面罵益厲遂於
夜中潛斃之時六年六月十有七日也明年莊烈帝即
位文煥伏誅實下吏一鷺吉坐建忠賢祠純如坐頌璫
竝麗逆案順昌贈太常卿官其一子給事中瞿式耜訟

諸臣寃稱順昌及楊漣魏大中清忠尤著詔謚忠介長
子茂蘭字子佩刺血書疏詣闕懇寃詔以所贈官推及
其祖父茂蘭更上疏請給三世誥命建祠賜額帝悉報
可且命先後慘死諸臣咸視比例茂蘭好學砥行不就
廕敘國變後隱居不出以壽終諸生朱祖文者都督先
之孫當順昌被逮間行詣都為納饘粥湯藥及微贓令
急奔走稱貸諸公間順昌視歸祖文哀慟發病死佩韋
等皆市人文元則順昌興隸也論大辟臨刑五人延頸

就刃語寇慎曰公好官知我等好義非亂也監司張孝
流涕而斬之吳人感其義合葬之虎邱旁題曰五人之
墓其地即一鷺所建忠賢晉惠祠址也

周宗建字季侯吳江人尚書用曾孫也萬厯四十一年
進士除武康知縣調繁仁和有異政入為御史天啟元
年為顧存仁王世貞陶望齡顧憲成請謚追論萬厯朝
小人厯數錢夢皋康丕揚忝詩教趙興邦亂政罪并詆
李三才王圖時遘事方棘上書責備輔臣無何瀋陽破

宗建責當事大臣益急因請破格用人召還熊廷弼已
論兵部尚書崔景榮不當信奸人劉保輔臣劉一燝不
當抑言路因刺右通政林材光祿卿李本固材本固移
疾去魏大中劾王德完庇楊鎬李如楨宗建為德完力
攻大中其持論數與東林左會是歲冬奉聖夫人客氏
既出宮復入宗建首抗疏極論中言天子成言有同兒
戲法宮禁地僅類民家聖朝舉動有乖內外防閑盡廢
此輩一叨隆恩便思踰分狎溺無紀漸成驕恣釁孽日

萌後患難杜王聖朱娥陸令萱之覆轍可為殷鑒忤旨
詰責清議由此重之明年廣寧失廷臣多庇王化貞欲
甚熊廷弼罪宗建不平為劄兩人罪案頗右廷弼諸庇
化貞者乃深疾宗建京師久旱四月雨雹宗建謂陰盛
陽衰之徵歷陳四事一專譏大學士沈漣一請寬建言
廢黜諸臣一言廷弼已有定案不當因此羅織朝士陰
刺兵部尚書張鶴鳴給事中郭鞏一則專攻魏進忠畧
言近日政事外廷嘖嘖咸謂與安之中莫可測識諭旨

之下有物憑焉如魏進忠者目不識一丁而陛下假之
頻笑曰與相親一切用人行政墮於其說東西易向而
不知邪正顛倒而不覺況內廷之借端與外廷之投合
互相扶同離間之漸將起於蠅營讒構之釁必生於長
舌其為隱禍可勝言哉進忠者魏忠賢故名也時方結
客氏為對食廷臣多陰附之其勢漸熾見宗建疏銜次
骨未發也鄒元標建首善書院宗建實司其事元標罷
宗建乞與俱罷不從巡視光祿與給事中羅尚忠力剔

奸弊節省為多尋請核上供器物中官怒取旨詰責宗
建等再疏力持中人滋不悅給事中郭鞏者先以劾廷
弼被謫廷弼敗復官遂添結進忠知進忠最惡宗建乃
疏詆廷弼因詆朝廷之薦廷弼者而宗建與焉其鋒銳
甚南京御史涂世業和之詆宗建誤廷弼且誤封疆宗
建憤疏駁世業語侵鞏扶其結納忠賢事鞏亦憤上疏
數千言詆宗建益力并及劉一燝鄒元標周嘉謨楊漣
周朝瑞毛士龍方震孺江秉謙熊德陽輩數十人悉指

為廷弼逆黨宗建亦憤抗疏力駁其謬且曰李維翰楊
鎬袁應泰王化貞皆壞封疆之人也元詩教力主催戰
趙興邦賄賣邊臣皆誤封疆之人也其他薦維翰薦鎬
薦應泰化貞者亦誤封疆之人也鞏胡不一擊之而獨
苛求廷弼且詆薦廷弼者為逆黨哉當是時忠賢勢益
盛宗建慮内外合謀其禍將大三年二月遂抗疏直攻
進忠畧言臣於去歲指名劾奏進忠無一日忘臣於是
乘私人郭鞏入都喉以傾臣并傾諸異己者鞏乃勑為

新幽大幽之說把持察典編廷臣數十人姓名為一冊
思一網中之又為匿名書羅織五十餘人投之道左給
事中則劉弘化為首次及周朝瑞熊德陽輩若而人御
史則方震孺為首次及江秉謙輩若而人而臣亦其中
一人也既欲羅諸臣以快報復之私更欲獨中臣以釋
進忠之恨是察典不出於朝廷乃鞏及進忠之察典也
幸直道在人鞏說不行始別借廷弼欲一穿陷之鞏又
因臣論及王安笑臣有何瓜葛陛下亦知安之所以死

乎身首異處肉飽烏鳶骨投黃犬古今未有之慘也鞏
即心暈進忠何至背公滅理且牽連劉一燾周嘉謨楊
漣毛士龍輩謂盡安黨請陛下窮究安死果出何人傾
害則此事即進忠一大罪案鞏之媚進忠即此可為証
據矣先朝汪直劉瑾雖皆梟獍幸言路清明臣僚隔絕
故非久即敗今權璫報復反借言官以伸言官聲勢反
借權璫以重數月以來熊德陽江秉謙侯震暘王紀滿
朝薦斥矣鄒元標馮從吾罷矣文震孟鄭鄮逐矣近且

扼孫慎行盛以弘而絕其揆路摘瓜抱蔓正人重足舉
朝各愛一死無敢明犯其鋒者臣若尚顧微軀不為入
告將內有進忠為之指揮旁有客氏為之羽翼外有劉
朝輩為典兵示威而又有輩輩蟻附蠅集內外交通驅
除善類天下事尚忍言哉疏入進忠益怒率劉朝等環
泣帝前乞自髡以激帝怒乃令宗建陳交通實狀將加
重譴宗建回奏益侃直進忠議廷杖之閣臣力爭乃止
奪俸會給事中劉弘化御史方大任等交章助宗建政

進忠輩復力詆諸人詔下諸疏平議廷臣為兩解之
乃嚴旨切責奪鞏宗建俸三月是時劉朝典內操遂謀
行邊廷臣微聞之莫敢言宗建曰鞏自謂未嘗通內今
誠能出片紙過朝吾請為洗交結之名鞏噤不敢發宗
建乃抗疏極諫歷陳三不可九害會朝與進忠有隙事
亦中寢其冬出按湖廣以憂歸五年三月大學士馮銓
銜御史張慎言嘗論已屬其門生曹欽程誣劾而以宗
建為首并及李應昇黃尊素忠賢遂矯詔削籍下撫按

追賊明年以所司具獄緩遣緹騎逮治俄入之李實疏
中下詔獄毒訊許顯純厲聲罵曰復能詈魏上公一丁
不識乎竟坐納廷弼賄萬三千斃之獄宗建既死微賊
益急其所親副使蔣英代之輸亦坐削籍忠賢敗詔贈
宗建太僕寺卿官其一子福王時追謚忠毅蔣英嘉善
人舉進士歷知松溪漳浦宜興天啟時由南京驗封郎
中出為福建副使遂遭璫禍忠賢敗以故官分巡蘇松
坐事貶秩未行而宜興民變上官以英先治宜興得民

心檄之撫治宜興非英所轄辭不得則單騎往諭懲豪
家僮客數人令亂民自獻其首惡亂遂定宜興故多豪
家修撰陳於泰編修陳於鼎兄弟尤橫遂激民變羣執
兵鼓譟勢洶洶賴英事旋定而周延儒方枋國與陳氏
有連銜英再貶兩秩遂歸輦遷安人以附忠賢驟遷至
兵部侍郎莊烈帝定逆案削籍論配我

大清拔遷安輦遁去復詣闕自言拒聘上所撰却聘書
兵部尚書梁廷棟論之下獄生死巡撫楊嗣昌為訟寃

得遣戍

黃尊素字真長餘姚人萬曆四十四年進士除寧國推官精敏彊執天啟二年擢御史謁假歸明年冬還朝疏請召還余懋衡曹於汴劉宗周周洪謨王紀鄒元標馮從吾而劾尚書趙秉忠侍郎牛應元通政丁啟睿頑鈍秉忠應元俱引去山東妖賊既平餘黨復煽巡撫王惟儉不能撫馭尊素疏論之因言巡撫本內外兼用今盡用京卿不若敍歷外服者之練習又數陳邊事力詆大

將馬世龍忤樞輔孫承宗意時帝在位數年未嘗一名見大臣尊素請復便殿召對故事面決大政否則講筵之暇令大臣面商可否帝不能用四年二月大風揚沙晝晦天鼓鳴如是者十日三月朔京師地震三乾清宮尤甚適帝體違和人情惶懼尊素力陳時政十失未言陛下厭薄言官人懷忌諱遂有剽竊皮毛莫犯中局者今阿保重於趙嬈禁旅近於唐末蕭牆之憂慘於敵國廷無謀幄邊無折衝當國者昧安危之機誤國者護恥

敗之局不於此進賢退不肖而疾剛方正直之士如仇
讐陛下獨不為社稷計乎疏入魏忠賢大怒議廷杖之
韓爌力救乃奪俸一年既而楊漣劾忠賢被旨譴讓尊
素憤抗疏繼之畧言天下有政歸近倖威福旁移而世
界清明者乎天下有中外洶洶無不欲食其肉而可置
之左右者乎陛下必以為曲謹可用不知不小曲謹不
大無忌必以為惟吾駕馭不知不可駕馭則不可收拾
矣陛下登極以來公卿臺諫累累罷政致在位者無

固志不於此稱孤立乃以去一近侍為孤立耶今忠賢不法狀廷臣已發露無餘陛下若不早斷彼形見勢窮復何顧忌忠賢必不肯收其已縱之韁而淨滌其腸胃忠賢之私人必不肯回其已往之棹而默消其冰山始猶與士大夫為讐繼將以至尊為注柴柵既固毒螫誰何不惟臺諫折之不足即干戈取之亦難矣忠賢得疏愈恨萬燬既廷杖又欲杖御史林汝翥諸言官詣閣爭之小璫數百人擁入閣中攘臂肆罵諸閣臣俯首不敢語

尊素厲聲曰內閣絲綸地即司禮非奉詔不敢至若輩
無禮至此乃稍稍散去無何燦以創重卒尊素上言律
例非叛逆十惡無死法今以披肝瀝膽之忠臣竟殞於
磨牙礪齒之兇豎此輩必欣欣相告吾儕借天子威柄
可鞭笞百僚後世有秉董狐筆繼朱子綱目者書曰某
月某日郎中萬燦以言事廷杖死豈不上累聖德哉進
廷杖之說者必曰祖制不知二正之世王振劉瑾為之
世祖神宗之朝張璉嚴嵩張居正為之奸人欲有所逞

憚忠臣義士掣其肘必借廷杖以快其私使人主蒙拒
諫之名已受乘權之實而仁賢且有抱蔓之形於是乎
為所欲為莫有顧忌而禍即移之國家燿今已矣辱士
殺士漸不可開乞復故官破格賜卹俾遺孤得扶襯還
鄉燿死且不朽疏入益忤忠賢意八月河南進玉璽忠
賢欲侈其使命由大明門進行受璽禮百僚表賀尊素
上言昔宋哲宗得璽蔡確等競言祥瑞改年元符宋祚
卒不競本朝弘治時陝西獻玉璽止令取進給賞五金

此祖宗故事宜從事獲中止五年春遣視陝西茶馬甫
出都逆黨曹欽程劾其專擊善類助高攀龍魏大中虐
綏遂削籍尊素謬謬敢言尤有深識遠慮初入臺鄒元
標實援之即進規曰都門非講學地徐文貞已叢議於
前矣元標不能用楊漣將擊忠賢魏大中以告尊素曰
除君側者必有內援楊公有之乎一不中吾儕無噍類
矣萬燂死尊素諷漣去漣不從卒及於禍大中將劾魏
廣微尊素曰廣微小人之包羞者也攻之急則挺而走

險矣大中不從廣微益合於忠賢以興大難是時東林
盈朝自以鄉里分朋黨江西章允儒陳良訓與大中有
隙而大中欲馭尚書南師仲卹典秦人亦多不悅尊素
急言於大中止之最後山西尹同準潘雲翼欲用其座
主郭尚友為山西巡撫大中以尚友數問遺朝貴執不
可尊素引杜征南數遺洛中貴要為言大中卒不可議
用謝應祥難端遂作汪文言初下獄忠賢即欲羅織諸
人已知為尊素所解恨甚其黨亦以尊素多智慮欲殺

之會吳中訛言尊素欲效楊一清誅劉瑾用李實為張
永授以秘計忠賢大懼遣刺事者至吳中凡四輩侍郎
烏程沈演家居奏記忠賢曰事有迹矣於是日遣使譙
訶實取其空印白疏入尊素等七人姓名遂被逮使者
至蘇州適城中擊殺逮周順昌旂尉其城外人并擊逮
尊素者逮者失駕帖不敢至尊素聞即囚服詣吏自投
詔獄許顯純崔應元榜掠備至勒贓二千八百五日一
追比已知獄卒將害已叩首謝君父賦詩一章遂死時

六年閏六月朔日也年四十三崇禎初贈太僕卿廕一子福王時追謚忠端

李應昇字仲達江陰人萬曆四十四年進士授南康推官出無辜十九人於死寘大猾數人重辟士民服其公廉為之謠曰前林後李清和無比林謂晉江林學曾卒官南京戶部侍郎以清慎著稱者也九江南康間有柯陳二大族相傳陳友諒苗裔負固強梗嘗拒捕有司議兵之應昇單騎往諭皆叩頭聽命出所匿罪人一方以

定天啓二年徵授御史謁假歸明年秋還朝時天子聞
弱庶政急弛應昇上疏曰方今遼土淪沒黔蜀用兵紅
夷之歛未息西部之賞日增逃兵肆掠於畿輔窮民待
盡於催科逗遛習慣大將畏敵而不敢前法紀陵夷驕
兵鼓譟而弗能問在在增官日日會議覆疏衍為故套
嚴旨等若空言陛下不先振竦精神發皇志氣羣臣孰
肯任怨以破情面之世界者祖宗有早午晚三朝猶時
御便殿咨訪時政願俯納臣言奮然力行天下事尚可

為也報聞頃之復陳時政畧曰今天下敝壞極矣在君臣奮興而力圖之陛下振紀綱則片紙若霆大臣捐私曲則千里運掌臺諫任糾彈則百司飲冰今動議增官為人營窟紛紜遷徙名實乖張自登萊增巡撫而侵冒百餘萬增招練監軍而侵冒又十餘萬邊關內地將領如蟻剥軍侵饗又不知幾十萬增置總督何補塞垣增置京堂何裨政事樞貳添注矣孰慷慨以行邊司空添注矣孰拮据以儲備大將添注矣祇工媒孽而縱通逃

禮兵司屬添注二三十人矣誰儲邊才而精典禮濫開
邊俸捷徑燃灰則吏治日壞白衣攘臂邪人入幕則奸
弁充斥臣請斷自聖心一切報罷又言今事下部曹十
九寢閣宜重申圖典明正將領之罪錦衣旂尉半歸權
要宜遣官巡視如京營之制衛官襲職比勢不嚴宜申
明舊章無使倖進將校蠶食逃軍不招私募乞兒半分
其饒宜力為創懲窮民敲扑號哭滿庭奸吏侵漁福堂
安坐宜嚴其法制時不能用俄効南京都御史王永光

庇部郎范得志顛倒公論永光尋自引去四年正月疏
陳外番內盜及小人三患譏切近習魏忠賢惡之已復
疏陳民隱言有十害宜急除五反宜急去帝為戒飭所
司京師一日地三震疏請保護聖躬速停內操忠賢領
東廠好用立枷有重三百斤者不數日即死先後死者
六七十人應昇極言宜罷忠賢大恨應昇知忠賢必禍
國密草疏列其十六罪將上為兄所知攘其疏毀之快
快而止楊漣劾忠賢得嚴旨應昇憤即抗疏繼之中言

從來奄人之禍其始莫不有小忠小信以固結主心根
株既深毒手乃肆今陛下明知其罪曲賜包容彼緩則
圖自全之計急則作走險之謀蕭牆之間能無隱禍故
忠賢一日不去則陛下一日不安臣為陛下計莫如聽
忠賢引退以全其命為忠賢計亦莫若早自引決以乞
帷蓋之恩不然惡稔貫盈他日欲保首領不可得矣又
曰君側不清安用彼相一時寵利有盡千秋青史難欺
不欲為劉健謝遷者并不能為東陽倘畫策投歡不幾

與焦芳同傳耶時魏廣微方深結忠賢為之謀主知應
昇譏已大恨萬燦之死也應昇極言廷杖不可再士氣
不可折譏切忠賢輩甚至已代高攀龍草疏劾崔呈秀
呈秀窘昏夜款門長跪乞哀應昇正色固拒含怒而去
十月朔帝廟享頒歷廣微後至為魏大中等所糾廣微
憲辨疏詆言者應昇復抗疏論之且曰廣微父允貞為
言官得罪輔臣以去聲施至今廣微奈何比言官路馬
斥為此輩夫不與此輩為伍者必別與一輩為緣乞陞

下戒諭廣微退讀父書保其家聲毋倚三窟與言官為難他日庶可見乃父地下廣微益怒謀之忠賢將鐫秩首輔韓爌力救乃奪祿一年其月趙南星等悉被逐朝事大變明年三月工部主事曹欽程劾應昇護法東林遂削籍忠賢恨未已六年三月假李實劾周起元疏入應昇名遂逮下詔獄酷掠坐贓三千尋於閏六月二日斃之年甫三十四崇禎初贈太僕卿錄一子福王時追謚忠毅

萬燦字闇夫南昌人兵部侍郎恭孫也少好學砥礪名
行舉萬歷四十四年進士授刑部主事嘗疏論刑獄干
和天啟初元兵事棘工部需才調燦工部營繕主事督
治九門垣墉市銅江南皆勤於其職遷虞衡員外郎司
鼓鑄時慶陵大工未竣費不貲燦知內府廢銅山積可
發以助鑄移牒內官監言之魏忠賢怒不發燦遂具疏
以請忠賢益怒假中旨詰責燦旋進屯田郎中督陵務
其時忠賢益肆廷臣楊漣等交擊率被嚴旨燦憤抗章

極論畧言人主有政權有利權不可委臣下況刑餘寺人哉忠賢性狻而貪膽麤而大口銜天憲手握王爵所好生羽毛所惡成瘡痛廕子弟則一世再世資廩養則千金萬金毒痛士庶斃百餘人威加搢紳空數十署一切生殺予奪之權盡為忠賢所竊陛下猶不覺悟乎且忠賢固供事先帝者也陛下之寵忠賢亦以忠賢曾供事先帝也乃於先帝陵工畧不厝念臣嘗屢請銅斲不肯予間過香山碧雲寺見忠賢自營墳墓其規制弘敞

擬於陵寢前列生祠又前建佛宇璇題耀日珠網懸星
費金錢幾百萬為已墳墓則如此為先帝陵寢則如彼
可勝誅哉今忠賢已盡竊陛下權致內廷外朝止知有
忠賢不知有陛下尚可一日留左右耶疏入忠賢大怒
矯旨廷杖一百斤為民執政言官論救皆不聽當是時
忠賢惡廷臣交章劾已無所發憤思借煇立威乃命羣
奄至煇邸摔而毆之比至闕下氣息纔屬杖已絕而復
甦羣奄更肆蹴踏越四日即卒時四年七月七日也忠

賢恨猶不置羅織其罪誣以贓賄三百燬廉吏破產乃
竣崇禎初贈光祿卿官其一子福王時謚忠貞燬杖死
未幾巡城御史福清林汝翥嘗笞內侍曹進傳國典忠
賢矯旨杖汝翥如燬汝翥懼逃之遵化自歸於巡撫鄧
漢漢以聞卒杖之汝翥起家鄉舉知沛縣徐鴻儒攻沛
甚急堅守不下由此擢御史崇禎時仕至浙江副使汝
翥雖受杖幸不死而是時丁乾學夏之令吳裕中劉鐸
吳懷賢蘇繼歐張汶諸人皆忤忠賢致死乾學浙江山

陰人寄籍京師官檢討天啟四年偕給事中郝土膏典試江西發策刺忠賢忠賢怒矯旨鐫三秩復除其名已使人詐為校尉往逮挫辱之竟憤鬱而卒崇禎初贈侍讀學士之令光山人知攸歎二縣徵授御史嘗疏論邊事力詆毛文龍不足恃忠賢庇文龍傳旨削之令籍閣臣救免及巡皇城內史馮忠等犯法劾治之益為忠賢所銜崔呈秀亦以事銜之遂屬御史卓邁劾之令黨比熊廷弼有詔削奪頃之御史倪文煥復劾之令計陷文

龍幾悞疆事遂逮下詔獄坐賊拷死裕中江夏人為順
德知縣徵授御史大學士丁紹軾陷熊廷弼死裕中有
疏詆紹軾忠賢傳旨詰裕中為廷弼姻戚代之報讐廷
杖一百創重卒崇禎初賜贈廕鐸廬陵人由刑部郎中
為揚州知府憤忠賢亂政作詩書僧扇有陰霾國事非
句偵者得之聞於忠賢倪文煥者揚州人也素銜鐸遂
劾忠賢逮治之鐸雅善忠賢子良卿事獲解許還故官
良卿從容問鐸曩錦衣往逮索金幾何曰三千金耳良

卿令錦衣還之其人怒日夜伺鐸隙言鐸繫獄時與囚
方震孺同謀居間遂再下獄會鐸家人有夜醮者參將
張體乾誣鐸呪詛忠賢刑部尚書薛貞坐以大辟忠賢
誅貞體乾並抵罪鐸贈太僕少卿懷賢休寧人由國子
監生授內閣中書舍人同官傅應星者忠賢甥也懷賢
遇之無加禮應星恨之楊漣劾忠賢疏出懷賢書其上
曰宜如韓魏公治任守忠故事即時遣戍又與工部主
事吳昌期書有事極必反反正不遠語忠賢偵知之大

怒曰何物小吏亦敢謗我遂矯旨下詔獄坐以結納汪
文言為左光斗魏大中鷹犬拷掠死崇禎初贈工部主
事繼歐許州人厯知元氏真定柏鄉入為吏部稽勲主
事累遷考功郎中將調文選中旨謂為楊漣私黨削籍
歸時緹騎四出同里副使孫織錦素附忠賢遣人怵繼
歐曰逮者至矣繼歐自經死崇禎初贈太常寺卿汶邯
鄆人尚書國彥曾孫也由廕敘為後軍都督府經歷嘗
被酒詆忠賢下獄拷掠死亦獲贈卹

贊曰自古閹宦之甘心善類者莫甚於漢唐之季然皆倉卒一時為自救計耳魏忠賢之殺諸人也揚毒燄以快其私肆無忌憚蓋主荒政秕之餘公道淪亡人心敗壞凶氣參會羣邪翕謀故搢紳之偶烈於前古諸人之受禍也酷矣哉

明史卷二百四十五

欽定四庫全書

明史卷二百四十五考證

周起元傳且上去蠹七事

臣

方煒按所上去蠹七事

明紀事本末諸書均無考謹識

周起元傳忠賢遂矯旨削起元籍

臣

方煒按是時給

事中李魯生承忠賢指劾起元遂削其籍謹附識

周起元傳矯旨逮起元

臣

方煒按起元被逮時并逮

松江知府張宗衡同知孫應寘見明紀事本末謹附

識

繆昌期傳會給事中孫杰承魏忠賢指劾一燦及周嘉

謨

臣

方燁按是年四月給事霍維華御史安伸等

交章劾一燦帝不問既而維華外轉杰遂疑一燦屬

嘉謨為之上疏力攻而給事侯震暘御史陳九疇復

劾之一燦四疏乞歸忠賢遂矯旨允之去見明實錄

謹附識

繆昌期傳高亦內慙密具揭請帝允忠賢

臣

方燁按

向高以密揭觸忠賢旋懼禍之及也揚言曰此非我
意門生繆昌期迫我也由是與代草連疏之說應而
忠賢怒日深矣見明紀事本末謹附識

繆昌期傳具疏乞假遂落職閒住

臣

方煒按昌期嘗

典湖廣試以趙高仇士良發策語侵忠賢又忠賢嘗
乞墓碑於昌期昌期叱却之忠賢愈怒及推掌南翰
林院忠賢遣小璫至閣厲聲曰繆昌期仍留之送客
昌期遂請告見孫承澤春明夢餘錄謹附識

周順昌傳順昌乃自詣吏

臣方燁按激變後有勸順

昌自裁者順昌曰予小臣也敢引高公不辱之義哉

遂自詣吏見朱彝尊詩話謹附識

周宗建傳給事中郭鞏者先以劾廷弼被謫

臣方燁

按天啓元年廷臣復思起廷弼鞏力詆之並及閣臣

劉一燝由是御史江秉謙劾其排擠勞臣乃被謫見

明實錄謹附識

周宗建傳歷陳三不可九害

臣方燁按宗建所陳三

不可九害明實錄諸書皆無考謹識

黃尊素傳三月朔京師地震

臣

方煒按五行志及熹

宗本紀四年二月甲寅京師地震宮殿動搖有聲銅
缸之水騰波震盪三月丙辰戊午又震庚申又震是
七日之內地震凡四矣此所載小異謹附考

黃尊素傳尊素力陳時政十失

臣

方煒按尊素所陳

十失明紀事本末諸書皆無可考謹識

黃尊素傳燦以創重卒尊素上言至死法

臣

方煒按

尊素疏中並言燂之杖也適與雨雹會六科廊之災也適與杖汝翥會何其呼吸相應若此見明實錄原疏謹附識

黃尊素傳河南進玉璽

臣

方煒按是時臨漳縣民邢

一泰於漳河西畔得一玉璽方四寸厚三寸餘文曰

受命于天既壽永昌巡撫程紹奏略言秦璽不足徵請帝惟賢是寶任老成進忠直見朱彝尊詩話謹附識

黃尊素傳事獲中止

臣

方煒按孫承澤春明夢餘錄

河南進玉璽時天子親御文華殿璽貯御前忠賢手
捧之憑軒頒示羣臣皆呼萬歲傳制受賀而罷是其
事固未嘗中止也謹附考

李應昇傳言有十害宜急除五反宜急去

臣

方煒按

應昇所除十害五反明實錄諸書皆無可考謹識

萬燦傳崇禎初贈光祿卿

臣

方煒按朱彝尊明詩綜

所撰小傳作贈太常少卿未知孰是謹附考

萬燦傳林汝翥懼逃之

臣

方燁按是時汝翥投遵化

或言汝翥葉向高甥也羣奄遂圍其邸大譟向高上
言二百年來無中使圍閣臣第者臣不去何面目見
士大夫帝優旨慰留而命收回中使見明紀事本末
謹附識

明史卷二百四十五考證